

via fax |||||



(TRANSMISSION REPORT)

NO. ANOTHER DATA HOUR OF BEGINNING PAGES RESULT
01 6191300 05AGOSTO 10:26AM 01 OK

Morgan's Island Aruba Aqua Park

KEN: Impact NV/ Sheero Group (Inversionistanan: Samy Sheero, Sergio Gallero Francisco Suárez, Enrique Fernández, Leoncio y Yolanda Croes)

PRODUCTO: Waterpark tematico

INVERSION: 10 milyon dollar prome fase

APERTURA: December 2007

Di unda e idea pa e proyecto a bin?

Durante un bishita na Busch Garden na Merca, nos a pensa cu e idea di un mini-Busch garden mester ta realisabel na Aruba, pero despues di haya sa e costo (\$10 milyon dollar) pa cada un montaña ruso (roller coaster), nos mester a adapta e idea. E ora ey nos a pensa den kico por ta un added value pa Aruba su turismo y djey a sali e idea di haci un water park, pero grandi, bonita y na nivel internacional.

Kico e concepto di e proyecto ta?

E concepto yama Morgan's Island Aruba Aqua Park y e idea ta rondona e mundo di e pirata. Morgan tabata un pirata conoci den e area di Caribe, pues Morgan's Island cu su kamikaze, slide di speed, black hole, piscina di submarinismo, piscina di ola, un sensacional parke acuatico infantil, un beach area, un water slide y hopi mas.

Con boso a haya un inversionista pa realiza boso soño?

Manera bo ta imagina e capital cu nos tin pa inverti ta limita, banda di aserca nos banconan local, nos a tene un wowo habri na conventions di water park na Merca. E pret ta cu nos a bin topa nos inversionista aki na Aruba mes. Samy Sheero, ta un amistad di nos, cu tin hopi aña ta bishita Aruba y den un combersacion casual nos a menciona nos proyecto y a realiza cu e tambe tabata pensa riba e mesun tipo di proyecto pa Aruba.

Ken ta bay realiza e trabao di instalacion di e slidenan?

Henter e concepto, diseño y instalacion ta den man di e lidernan den parke acuatico mundial, cu ta Aquakita di Mexico. Nan tin realiza mas cu 1000 parke di awa caba rond mundo. Nan ta enfoca riba muchanan y nan diverticion, pero semper seguridad ta keda nan prioridad. Nan tabatin den nan man henter e master plan y keremi e proyecto aki ta bay keda espectacular.

Na ken e parke ta dirigi?

Nos a definí 3 mercado inicial, e prome esun local, e di dos e bishitante di nos isla y e di tres e bishitante di e barco crucero. Nos tin cu menciona cu e parke lo ta colorido cu un style di aventura cu pirata y nos tin algo pa mucha di tur edad, pues baby bin ariba. Na nos beachnan mucha ta haya leuk, pero mucha ta fada liher, si bo no duna nan algo di haci. P'esey nos tin wega pa nan y tur loke tin di haci cu diversion den awa. Ora nan cansa nos tin tres snackbar reparti riba henter e tereno pa tene nan contento.

Con grandi e tereno di e proyecto?

E realidad e espacio total ta di 76-mil meter cuadra, esey ta unabez tur tres fase ta completa. Nos tin dos toren, un di 21 meter di altura, pues igual na cuater piso y un otro di 18 meter.

Cuanto persona lo keda emplea?

Den e prome fase nos ta premira 40 persona, reparti entre diferente parti di e parke, entre otro beach attendants, service attendants, life guards etc.

Cua ta e retonan cu boso a topa cune den construccion?

Nos a topa cu hopi reto, pero nada cu nos no por handle. E cuestion di permiso a hunga un rol pa e mexicanonan cu mester bin pa arma e slide, esaki ta trabao specializa. Tin algun pieza cu a bin robez of cu falta, eseynan ta na caminda. Unabes tur e piesanan ta'ki nos lo cuadra pa e trahadornan un biaha mas bolbe for di Mexico pa caba e trabao. Otro ehempel nos mester di 6 pa 8 welderdo cu por traha riba un elevacion, pa haci cierto trabaonan y nan ta dificil pa haya, mayoria welderdo tin trabao na Valero. E no ta facil, pero nos lo sa di supera tur e challenges cu bin.